

Fundargerð Delta deildar DKG 2.10.2024

Fyrsti fundur vetrarins var haldinn kl 17:30 miðvikudaginn 2. október í Brákarhlíð Borgarnesi þar sem Inga Dóra Halldórsdóttir framkvæmdastjór tók á móti okkur .

Nýr formaður deildarinnar Theodóra Þorsteinsdóttir setti fundinn, bauð fundargesti velkomna og kveikti á kertum. Síðan var nafnakall og kveðjur frá fjarverandi félagskonum.

Ásta Egilsdóttir vefstjóri fór yfir félagatalið og skráðu fundarkonur leiðréttingar og viðbætur eftir því sem þurfa þótti.

Fundargerð síðasta fundar var skoðuð og rætt var hvort þörf sé á að lesa hana upp á fundum, þar sem hún er send út til allra til yfirlstrar og athugasemda áður en hún er sett á heimasíðuna.

Næst á dagskrá var kynning Ingu Dóru á starfsemi hjúkrunar- og dvalarheimilisins Brákarhlíðar. Það var sett á stofn 1971. Stjórn heimilisins er skipuð 6 fulltrúum frá sveitarfélögunum og sambandi borgfiskra kvenna.

Inga Dóra lagði áherslu á að þetta væri fjölskylda og heimili, Brákarhlíðarfjölskyldan sem samanstendur af heimilisfólki, starfsfólki og aðstandendum. Mikið er lagt uppúr því að fólkinu líði vel í heimilislegu umhverfi. Daglegt starf er fjölbreytt og margt gert til dægrastyttingar og skemmtunar. Heimilisfólkið sem býr á Brákarhlíð er 58 talsins hverju sinni, en auk þess eru 17-20 einstaklingar í dagdvöl. Starfsfólkið er stór hópur og mikil þekking og mannauður þar sem skilar sér í góðu starfi. Lögð er áhersla á endurmenntun og fræðslu hópsins. Aðstandendur eru hluti af Brákarhlíðar-fjölskyldunni og mikilvægt er að eiga í góðum samskiptum og samvinnu svo hægt sé að hlúa enn betur að heimilisfólkinu og veita enn betri þjónustu.

Á heimilinu starfa auk annarra starfsmanna iðjupjálfi, sjúkrapjálfi og læknir í hlutastarfi. Inga Dóra sagði þjónustubörf sífellt í þróun og nú er þörf fyrir fleiri pláss fyrir þjónustu við heilabílaða og fyrir hvíldarinnlagnir. Inga Dóra gekk síðan með hópnum um heimilið og sýndi húsakynni og aðstöðu.

Ingu Dóru var færð rós í þakklætisskyni fyrir kynninguna og einnig fékk ný stjórn rósir.

Eftir þetta færðu fundarkonur sig yfir á Hótel Vesturland þar sem var borðað. Þar flutti Halldóra Jónsdóttir Orð til umhugsunar. Hún ræddi um haustið og þær breytingar sem fylgja í náttúrunni og þó gróðurinn fölni þá sé haust líka uppskerutími og nýtt upphaf. Hún ræddi mikilvægi þess að hafa áhugamál, gera það sem manni finnst skemmtilegt. Halldóra sagði síðan frá skemmtilegu verkefni sem hún kom á laggirnar og fékk aðra til liðs við sig. Verkefnið kallast Kellingarnar. Það byrjaði þannig að 2015 voru auglýstir styrkir til verkefna til að minnast 100 ára kosningaréttar kvenna. Halldóra sótti um og fékk styrk og var þetta því fyrsta verkefnið. Áhersla er á fræðslu, miðlun, samveru og útiveru sem er gjarnan í formi göngu. Þetta verkefni hefur síðan orðið að árlegri hefð sem oft er tengd öðrum menningarviðburðum á Akranesi. Meðal þess efnis sem Kellingarnar hafa tekið fyrir er rithöfundar á Akranesi, útgerð, Bragi Þórðarson og saga Garða. Yfirleitt er farið með stytta útgáfu efnisins á Höfða og þá er yfirleitt tónlistarmaður með og sungið með heimilisfólki.

Theodóra ræddi mögulegt samstarf við Zonta vegna söfnunar í Menntasjóð Mæðrastyrksnefndar. Myndi það fara fram 8. mars. Var því vel tekið.

Undir önnur mál var rætt m.a. að Epsilondeild hafði samband vegna ferðar þeirra í Borgarfjörð í október en því miður var það of skammur fyrirvari til að geta hitt þær. Þá var rætt um möguleg tengsl við nýjar deildir fyrir norðan. Að lokum var rætt um fjölgun í deildinni.

Happdrættið var á sínum stað og fékk Theodóra vinninginn frá Sigrúnu Jóhannesdóttur. Vinningurinn var, í takt við bleikan október, bleik freyðivínsflaska og spil.

Fundi var síðan slitið kl. 20:30
Sigurveig Sigurðardóttir, ritari